

FAAFIN

الرسومية



RASMI AH

الجريدة

EE JAMHURIYADDA DIMUQRADIGA SOMALIYA

لجمهورية الصومال الديمقراطية

Sannadka 3aad

Mogadisho 1 Setember 1975

L.9

Laanta Faafinta Rasmiga ah ee Madaxtooyada Golaha Sare ee Kacaanka

EAAFIN BIL SOO BAXA

جريدته شهرية

QIIMADU: waa 5 shilin lambar waliba — RUKUNKA: Sanadii waa Sh. 100 Somaliya gudeheeda — dibaddedana waa Shs. 300. Rukunka la weydiisto waqtiga loo gooyey wuxuu ka bilabmaa 1 Janayo. Qiimaha qortitaanku F. R. halkii sadar iyo waxii ka yar waa 2 laba shilin — Rukunka iyo qoritaanku waxaa la weydiistaa Laanta Maamulka Faafinta Rasmiga ah — Lacagta waxaa lagu bixinayaa Xafiiska Canshuraha ee Wasaaradda Lacagta

KOBNIIN

BOGGA KOWAAD

SHARCI

W. M.

BOGGA LABAAD

XEER

XEER MADAXWEYNAHA G. SARE EE KA-
CAANKA, 3 Agoosto 1975, L.123 — Qiimaha Taa-
rarka Dalka Gudhiisa

Bog 691

XEER MADAXWEYNAHA G. SARE EE KA-
CAANKA 23 Agoosto 1975, L. 124 — Dhisid Waaxda
Uruurinta Dokumentooyinka iyo baaridda ee ka tirsan
Madaxtooyada Golaha Sare ee Kacaanka

» 692

XEER WASAARADDA MAALIYADDA 16 Agoosto 1975,
L.125 — Taariikhda ay ka bilaabmeeyso dhaqan galka
lacagta Xaashida oo 100,20,10 iyo 5 Shilin Soomaali ee
cusub.

» 693

XEER WASAARADDA GANACSIGA 18.8.75 L.126 —
Diiwaan Gelinta Iskaashatada Xijiga «Raas Caseer» ee
Degmada Caluula.

» 694

XEER WASAARADDA HAWLAHA GUUD, 27 Agoosto
1974 L.127 — *Dhul gata Jaalle Dr. Maxamed*
Skeekh Cali Munasar. ku fadhiga mq. 2.150/ —kuna
yaal Muqdisho Km.5

» 695

BOGGA SEDDEXAAD

TALOOPYIN, ISGAARSIIN, OGEYSIIS, IYO WIXII LA MID AH

- WASAARADDA HAWLAHA GUUD, Naada Dhul 20
Luulyo 1975 — Loreetta Maxamed Caagane (178) » 696
- WASAARADDA HAWLAHA GUUD, Naada Dhul 31 A-
goosto 1975 — Jaalle Fanow Cali Axmed (179) » 696
- WASAARADDA HAWLAHA GUUD, Naada Dhul 31 A-
goosto 1975 — Jaalle Cabdulcasiis Iimaan Nuur (180) » 697
- WASAARADDA HAWLAHA GUUD Naada Dhul 31 A-
goosto 1975 — Jaalle Cali Axmed Maxamuud (181) » 698
- WASAARADDA HAWLAHA GUUD, Ogeysiis 19 Luulyo
1962, — Jaalle Xuseen Maxamed Cabdurasuul (182) » 699

XEER MADAXWEYNAKA GOLAHA SARE EE KACAANKA

Tr. 3 Agoosto 1975. L.123

Qiimaha Taararka Dalka Gudihisa

GUDOONSHAHA

GOLAHA SARE EE KACAANKA

ISAGOO ARKAY Xaashidii 1aad iyo tii 2aad ee Kacaanka.

ISAGOO ARKAY Dekreetada lambarkeedu yahay 76 ee 21 April 1955.

ISAGOO TIXGELINAYA Taladii xoghayaha Dawladda ee Boostada & Isgaarsiinta.

ISAGOO ARKAY Baahida loo qabo in la kordhiyo qiimaha Taararka Dalka gudihisa la isaga dirsado.

ISAGOO ARKAY Sicirka Adduunka oo sii kordhay.

WUXUU XEERIYEY

Qod. 1

Qiimaha Taararka dalka gudihisa la isaga dirsado wuxuu noqon doonaa Taarka Caadiga ah. Maalmaha Shaqada 0,30 senti Kalmadiiba. Jimcooyinka iyo maalmaha fasaxa ah 0,60 senti Kalmadiiba.

Taararka Degdegga ah Maalmaha Shaqada 0,60 senti Kalmadiiba. Jimcooyinka iyo maalmaha fasaxa ah 1,20 senti Kalmadiiba.

Qod. 2

Dekreetada lambarkeedu yahay 76 ee 21 April 1955. Waxaa lagu tirtira Xeerkan.

Qod. 3

Xeerkani wuxuu dhaqan galayaa 1da Agoosto 1975, waxaana lagu faafin doonaa Buugga Faafinta Rasmiga ah ee Dawladda.

GUDDOOMIYAHA

GOLAHA SARE EE KACAANKA

(Jaalle S. Gaas Maxamed Siyaad Burre)

XOGHAYAHA DAWLADDA

Wasaaradda Boostada & Isgaarsiinta

(Jaalle Dr. Cabdullaahi Cosoble Siyaad)

XOGHAYAHA DAWLADDA

Wasaaradda Maaliyadda

(Jaalle Dr. Cabduraxman Nuur Xirsi)

Visto E Registrato Reb. N. 1 Foglio N. 123 Mo-
gadiscio 3 Agoosto 1975 II Sostituto Magistrato
Ai Conti.

Jaalle Maxamed Cali Faarax

XEER MADAXWEYNAHA GOLAHA SARE EE KACAANKA

Tr. 23 Agoosto 1975. L. 124

Dhisid Waaxda Uruurinta Dokumentoooyinka iyo Baariidda ee ka tirsani Madaxtooyada Sare ee Kacaanka.

ISAGOO ARKAY Xaashida 1aad iyo tan 2aad ee Kacaanka 21 Oktoobar 1969;

ISAGOO ARKAY Sharciga lamb. 14 taariikh. 3 Juniyo 1962 iyo beddelladdi ka dambeeyay oo ku saabsanaa Nidaamka Dowladda;

ISAGOO ARKAY Xeerka Madaxweynaha Golaha Sare ee Kacaanka oo ku saabsanaa Nidaamka Dhisiidda iyo Qaabka Madaxtooyada Golaha Sare ee Kacaanka;

ISAGOO AQOONSADAY Inay tahay lagamamaarmaan in la kori-dhiyo howlaha la xiriira uruurinta dokumentoooyinka iyi baaridda cilmi-ga ku dhisan.

WUXUU XEERAYAA

Qod. 1

(Dhisid Waax)

Waxaa laga dhisayaa Madaxtooyada Golaha Sare ee Kacaanka waax cusub oo loo aqoonsandoono *WAAXDA URUURINTA DOKUMENTOOYINKA IYO BAARIDA* (Documentation and Research Department).

Qod. 2

(Dhisid Waaxdu)

1. Howlaha waaxda ee lagu dhisay Xeerkan, waxay ahaan doonta, sida soo socota:

— Uruurinta Dokumentoooyinka oo dan u ah Dowladda xiriirna la leh howlaha kala geddisan ee Dowladda;

— Inay ku dhaqaaqdo howlaha la xiriira baaridda nooc kasta ahaadeenee oo cilmi ku dhisan;

— Inay ku dhaqaaqdo baaridda la xiriira hiddaha iyo cilmiga.

2. Waaxda Uruurinta Dokumentoooyinka iyo Baaridda waxay awood u leedahay inay qaado tillaabooyinka habbon si ay u fuliso howlaha loo xilsaaray.

Qod. 3

(Misaaniyadda)

Lacagta ku bixi doonto Waaxda, waxaa laga bixin doonaa Misaa-niyadda Madaxtooyada Golaha Sare ee Kacaanka;

Xeerkan isla markiiba ayoo dhaqan galayaa, waxaana lagu soo saari doonaa Faafinta Rasmiga ah ee Dowladda;

Muqdishu 23 Agoosto 1975.

GUDDOONSHAHA
GOLAHA SARE EE KACAANKA
Jaalle S. Gaas Moxamed Siyaad Barre

XEER WASAARADDA MAALIYADDA

Tr. 16 Agoosto 1975 L.125

Taariikhda ay ka bilaabmeeyso dhaqan galka lacagto Xaashida oo 100,20,10, iyo 5 Shilin Soomaali ee cusub.

XOGHAYAHA WASAARADDA MAALIYADDA

MARKUU ARKAY Xaashida Koowaad ee Kacaanka 21ka Oktoobar 1969 iyo Sharciga Lr. 1 ee 21ka Oktoobar 1969;

MARKUU ARKAY Qodobka 4 ee Xeerka 6da Maarso 1961 oo loo beddeley Sharciga 23ka Maarso 1961 Lr. 13 kuna saabsan Nidaamka Lacagha Soomaaliya;

MARKUU ARKAY Qodobka 4 ee Sharciga 5ta Juunyo 1962 Lr. 2 kuna saabsan nidaamka sameeynta, soosaaridda iyo wareeg - gelinta lacagta xaashida iyo tan cadadiga ee Shilin Soomaaliga ah;

MARKUU ARKAY Xeerka Madaxweynaha Golaha Sare ee Kacaanka Lr. 134 ee 11ka Disembar 1974;

ASAGOO TIXGELINAYA In gundhiggii lacagtii hore ee 100,20, 10 iyo 5 Shilin Soomaali uu haatan dhammaaday;

ASAGOO GARTAY baahida loo qabo in la gooyo taariikhda ay dhaqan galayso lacagtaasi;

AYADA UU SOO JEEDIYEE Bankiga Dhexe ee Soomaaliya.

WUXUU SOO SAARAYAA

Qod. 1

Lacagta xaashida cusub ee 100, 20, 10 iyo 5 Shilin Soomaali oo tilmaamaheeda iyo sunmadaha farsamadeeda lagu carrifay Xeerka Madaxweynaha Golaha Sare ee Kacaanka Lr. 135 ee 11kii Disembar 1974, tiradeedana lagu sheegay Xeerka Madaxweynaha Golaha Sare ee Kacaanka Lr. 134 ee 11kii Disembar 1974, waxay dhaqan galaysaa, kana soco-naysa dhulka Jamhuuriyadda Dimoqraadiga ee Soomaaliya oo dhan, laga bilaabo 15ka Seteembar 1975.

Haddaba, waxaa Bankiga Dhexe ee Soomaaliya loo oggolaanyaa inuu lacagtaas wareeg - geliyo laga bilaabo taariikhda 15 ka Seteembar 1975.

Muqdisho, 16 Agoosto, 1975

XEER WASAARADDA GANACSIGA

Tr. 18.8.1975 L.126

Diiwaan Gelinta Iskaashatada Xijiga «Raas Caseer» ee Dègmada Caluula;

WASAARADDA GANACSIGA

ISAGOO ARKAY Gó'aanka 1aad iyo kan 2aad ee Kacaanka 21.10.1969;

ISAGOO ARKAY Sharciga Lambarkiisu yahay 40 ee Horumarinta Iskaashatooyinka Dalka Jamhuuriyadda Dimoqraadiga Soomaaliya oo dhaqan galay 4.10.1973;

ISAGOO ARKEY Xeer - Guddoomiyaha G.S.K. ee Lambarkiisu yahay 8, oo soo baxay 23.12.1974, kuna saabsanaa Habka Diiwaan Gelinta Iskaashatooyinka.

ISAGOO ARKAY Arjigii uu soo qoray Guddoomiyaha Iskaashatada Xijiga «Raas Caseer» ee degmada Caluula, kana weydiisanaayey in Iskaashatadaasi la diiwaan-geliyo;

ISAGOO TIXGELINAAYA Taladii Guddiga Iskaashatooyinka ee Degmada Caluula iyo kan Gobolka Bari - Qardho.

AMAR XEER.

Qod. 1

Iskaashatada Xijiga ee lagu magacaabo «Raas Caseer», saldhigeedu yahay Magaala Madaxda Degmada Caluula, shaqadeeduna tahay guritaanka Xijiga ku yaallo Degmada Caluula, waxaa laga diiwaan geliyey Xafiiska Iskaashatooyinka ee Wasaaradda Ganacsiga, taas oo waafaqsan qodobka 15aad ee Sharciga Lambarkaasu yahay 40ka, oo dhaqan galay 4.10.1973;

Qod. 2.

Marka laga bilaabo maalinta xeerkani lagu soo qoro Faafinta Rasmiiga ah ee Dawladda, Iskaashatada Xijiga «Raas Caseer» waxay yeela naysaa aqoonsi gaar ah oo sharci ku dhisan. Xeer - gaarkeeduna wuu dhaqan galayaa.

Muqdisho, 18.8.1975.

XOGHAYAHA DAWLADDA
(*Jaalle Axmed M. Maxamuud*)

XEER WASAARADDA HAWLAHA GUUD,

Tr. 27 Agooto 1974, L.127

Dhul gatay Jaalle Dr. Maxamed Sheekh Cali Munasar ku fadhiya mq. 2. 150
kuna yaal Muqdisho Km. 5o

WASAARADDA HAWLAHA GUUD

Waaxda Dhismaha iyo Dhulka

ANNAGOO ARAGNA Warqaddii Koowaad iyo tii labaad ee Ka-
caanka iyo Xeerka lamb. yahay 1 ee-soo baxay 21kii Dktoobar, 1969;

ANNAGOO ARAGNAY Amar xeer Lr. 11 taariikhdeeduna ahayd
1 Novembar, 1973;

ANNAGOO ARAGNAY Amar xeer L.6 taariikhduna ahayd 9 Jen-
nayo 1967;

ANNAGOO ARAGNAY Arji u soo qortay Jaalle Xuseen Cusmaan
Siyaad, taariikhdeeduna ahayd 18 LUG. 1961, uu ku weydiisanayay dhul
dhismo Dawladeed kuna yaal Muqdisho-Km. 5;

ANNAGOO ARAGNAY Naadadii dhulka ee lagu dhejiyey Xafiis-
ka ku shaqa lahaa, laguna dhaabacay xaashida rasmiga ah ee Dowladda;

ANNAGOO ARAGNAY Ogolansihii Gudiga Farsamada dhismaha
uu ku saabsaneed naqshadda dhismaha lambarkoodu yahay 6002 bishii
19 SET. 1968, soona Gudubtay fadhigii 25 aad ee sh. Novembre 1968;

ANNAGOO ARAGNAY Warqadda tiradeedu tahay L. 94748 taa-
riikhdeeduna ahayd 12.7.1973, in Jaalle Xuseen Cusmaan Siyaad uu
dhiibay Xafiiska Canshuurta Dodban lacag tiradeedu tahay Sh.So.
3.225/= oo ah qiimahii dhulka;

ANNAGOO ARAGNAY Xanshadda ku saabsan siismaha dhulka
lambarkoodu yahay WHG/ 3.23.785 taariikhdeeduna ahayd 9 AGO. 1973
in ninka kor ku magacaaban la siiyey dhul ku fadhiya mq. 2.150/= ku-
na yaal Muqdisho — Km. 5

ANNAGOO ARAGNAY Warqadda ku qoran qaynunka siismada
dhulka iyo naqshadda oo tilmaameysi dhulka isaga ah;

ANNAGOO ARAGNAY Nuqulka L.11.254 Rep, taariikhduna
ahayd 19.8.73, oo lagu qoray buuga Canshuurta Dadban L.2770 Vol.20,
oo lagu dhigay Notayaha Rd. Xasan Warsame Cali oo ku saabsan kalaga-
dasho dhul uu iibsaday Xuseen Cusmaan Siyaad oo ka gatay Jaalle
Dr. Maxamed Sheekh Cali Munasar — dhulka la mid ah mq.2.150/=
kuna yaal Muqdisho — Km. 5;

AMAR XEER

Waxaa la caddeynayaa in Jaalle Dr. Maxamed Sheekh Cali Munasar
la siiyay uuna gatay dhul dowladeed ee ku fadhiya mq.2.150/= kuna
yaal Muqdisho, Km. 5;

Muqdisho, 27 Agoosto 1974.

VISTO E REGISTRATO Reg. N.1 Foglio

N.36 Muqdisho, li 5 SET. 1974

IL MAGESTRATO AI CONTI

F to Ton. Col. Abdullahi Warsame Nuur.

XOGHAYAHA

WASAARADDA HAWLAHA GUUD

BOGGA SEDDEXAAD

WASAARADDA HAWLAHA GUUD WAAXDA DHISMAHA IYO DHULKA BEDELAAD NAADO DHUL

Waxaa la caddeynayaa in dhulkii uu soo weydiistay Jaalle Loretta Maxamed Caagane maalintii 18.5.1967 loona ogolaaday oo ku yiil Muqdisho degmada Hodan 5 Km Jidka Afgooye uu iska beddelay cabbirkii hore oo qaabkiisu ahaa rektangolar addimihiiisuna ahaayeen 40×65 kuna fadhiye 2600/= mdh, sababtoo ah in uu is beddelay qorshihii meeshaas

Sidaas aawadeed naadadii hore oo lagu soo diray warqadda lambarkeedu ahaa HWD 66.637.68 ee kuna baxday xafiiskaan, waxay isu bedeshay sida hoos ku tilmaaman:

Rasmi ahaan dhulka haatan la siin - karo jaallahaas qaabkiisu waa Trabeosiyo addimihiiisu yihiin $59,8 + 57,00 + 42,00,2 = 2.407,84$ kuna fadhiya soohdimihiiisuna iyhiin sida soo socota:

Waqooyi waxaa ka xiga: Waddo.
Koofur waxaa ka xiga: Cabdullahi Cilmi
Galbeed waxaa ka xiga: Waddo.
Bari waxaa ka xiga: Waddo.

Muqdisho. 20 Luulyo 1975

AGAASIMAHA WAAXDA DHISMAHA
IYO DHULKA

(178)

Maxamed Cabdi Saciid

WASAARADDA HAWLAHA GUUD

Qaybta Dhismaha iyo Dhulka
N A A D A D H U L

Waxaa la caddeynayaa in Jaalle Farow Cali Axmed, u usoo qortay arji qaybta Dhismaha iyo Dhulka maalintii taariikhdu ahayd 5.8.1975, uu ku weydiisanayey dhul dhismo dowladeed kuna yaal Muqdisho xafadda Hodan, oo leh qiyaas rektangolaar ah 20×30 kuna fadhiya 600/= mdh.

Soohdin:

Waqooyi waxaa ka xiga: lootka lamb. yahay. 45;
Koofur waxaa ka xiga: WADDO;
Galbeed waxaa ka xiga: lootka lamb. yahay 32;
Bari waxaa ka xiga: lootka lamb. yahay 34.

Oofkii dannaynayaa wuxuu si fiican uga arki karaa naqashada dhulka oo taal Qaybta Dhismaha iyo Dhulka ee Wasaaradda Hawlaha Guud, dhulka waxaa laga doodi karaa muddo ku siman 30 (soddon) maalmood, ee laga bilaabo maantii lugu naadshey buuga keetka dawladda.

Muqdisho, 31 Agoosto 1975

(179) MAAMULAHA QAYBTA DHISMAHA
IYO DHULKA
INJ. Caydaruus C. Keenadiid

WASAARADDA HAWLAHA GUUD

Qaybta Dhismaha iyo Dhulka
N A A D A D H U L

Waxaa la caddaynayaa in Jaalle Cabdulcasiis Iimaan Nuur, u usoo qortay arji qaybta Dhismaha iyo Dhulka maallintii taariikhdu ahayd 27.1.75, uu ku weydiisanayey dhul dhismo dowladeed kuna yaal Muqdisho xafadda Hidati, oo leh qiyaas rektangolaar 16,60 x 18,40 kuna fadhiga 305,44/ = mdh.

Soohdin:

Waqooyi waxaa ka xiga: Ibraahim Sheekh;
Koofur waxaa ka xiga: JID;
Galbeed waxaa ka xiga: Dhul dawladeed;
Bari waxaa ka xiga: Jid 3 meytar ah.

Oofkii dannaynayaa wuxuu si fiican uga arki karaa naqashadda dhulka oo taal Qaybta Dhismaha iyo Dhulka ee Wasaaradda Hawlaha Guud, dhulkaa waxaa laga doodi karaa muddo ku siman 30 (soddon) maalmood, ee laga bilaabo maantii lugu naadshey buuga xeerka dawladda.

Muqdisho, 31 Agoosto 1975

(180) MAAMULAHA QAYBTA DHISMAHA
IYO DHULKA
INJ. Caydaruus C. Keenadiid

WASAARADDA HAWLAHA GUUD

Qaybta Dhismaha iyo Dhulka

N A A D A D H U L

Waxaa la caddeynayaa in Jaalle Cali Axmed Maxamuud, u usoo qortay arji qaybta Dhismaha iyo Dhulka maalintii taariikhdu ahyd 20.4.75, uu ku weydiisanayey dhul dhsimo dowladeed kuna yaal Muqdisho xafada Hodan, oo leh qiyaas afar gees siman ah 30×30 kuna fadhiya 900/ = mdh.

Soohdin:

Waqooyi waxaa ka xiga: WADDO;
Koofur waxaa ka xiga: Dhul dad leeyahay;
Galbeed waxaa ka xiga; Sheekh Cusmaan;
Bari waxaa ka xiga: WADDO.

Qofkii dannaynayaa wuxuu si fiican uga arki karaa naqashadda dhulka oo taal Qaybta Dhismaha iyi Dhulka ee Wasaaradda Hawlaha Guud, dhulkaa waxaa laga doodi karaa muddo ku siman 30 (soddon) maalmood, ee laga bilaabo maantii lugu naadshey buuga xeerka dawladd.

Muqdisho, 31 Agoosto 1975

MAAMULAHA QAYBTA DHISMAHA
IYO DHULKA

(181)

INJ. Caydaruus C. Keenadiid

DOWLADDA HOOSE EE DEGMADA MARKA

O G E Y S I I S

Waxaa la ogeysiinayaa dhammaan dladweynaha degan degmada Marka in Jaalle Xuseen Maxamed Cabdurasuul taariikhdu markay ahayd 11.4.62 uu noo keenay arji uu ku weydiisanayo gabal dhul dawladeed ah oo ku yaal degmada Marka oo ay ka dul dhisanyihiin guryo uu leeyahay Jaallaha soo weydiistay dhulkaas oo qaabkiisu yahay shangeesle aan caadi ahayn addimihiisuna 32,50,36,50,28 kuna fadhiga $1104,13/\times$ mdh. soohdimihisuna yihiin sida hoos ku tilmaaman:

Waqooyi waxaa ka xiga: Circolo Italiano;
Koofur waxaa ka xiga: Hotelka Moos dahab (B. d'Oro)

Galbeed waxaa ka xiga: WADDO;
Bari waxaa ka xiga: Barxad (Piazzo)

Sidaas awgeed qofkii daneynaaya dhulkaas wuxuu si fiican uga arki karaa Ogeysiiska iyo Naqshadda dhulka ee ku lifaaqan oo taalla Xifiiska Guddoomiyaha degmada iyo Dowladda Hoose ee Marka oo ku dhegan looxa Ogeysiisyada ee Dawladda Hoose, kuna dheganaandoona muddo 30 maalmood ah laga bilaabo 10.6.62 ilaa 10.7.62, waxaana laga doodi kara muddadas u dhexeysa taariikhda aan kor ku soo sheegnay wixii ka dambeeyana lama qaban doono.

Marka, 19 Luulyo 1962.

(182)

GUDDOOMIYAHA DEGMADA
Waxaa Saxiixay Cali Maxamed Cosoble